



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instrumentvm Pacis Cæsaro-Svecicvm

circa 1740

Iohannes Vultejus, Illustrissimæ & Celsissimæ Hassiæ Landgraviæ &
Regenti à Consiliis Status & Belli secretioribus, eiusdem ad Tractatus Pacis
Universalis Monasterii Legatus Plenipotentiarus.

[urn:nbn:de:hbz:466:1-51741](https://nbn-resolving.org/urn:nbn:de:hbz:466:1-51741)

IOHANNES VULTEJUS, Illustrissimæ & Celsissimæ Hassiæ Landgraviæ & Regenti à Consiliis Status & Belli secretioribus, eiusdem ad Tractatus Pacis Universalis Monasterii LEGATUS PLENIPOTENTIARIUS.

Esselben Leben ist von Herrn Rath und Archivario KUCHENBECKER in Vita Hermannii Vultei I Cti, 1731. p. 219. also gründlich beschrieben:

IOANNES natus Marburgi die VI. Ianuarii anno MDCV. patrinam habuit forem natu maiorem, quæ in memoriam paulo ante demortui fratris ipsi hoc nomen imposuit. Hic positus rite in humanioribus & iure fundamentis à parentibus anno MDCXXII. Lugdunum Batavorum missus fuit, ubi publice ac privatim iuris studio operam navavit. Anno MDCXXXIV. in Angliam abiit, Londinum Oxonium & Cantabrigiam perlustravit. Inde Parisios, Andegavum atque Genavam excurrit, ut Italicam Gallicamque linguam sibi redderet familiarissimam. Reversus per Helvetiam & Argentoratum Marburgi studia recoluit atque anno MDCXXX. Iuris Utriusque Doctor ibidem renunciatus est. Post hæc Spiræ in Camera vixit cum exorto bello ab ulterioribus itineribus impediretur. Vocatus à Philippo Rheinardo Comite Solmensi, ad castra Suecia cum eo Consiliarius abiit, & Comiti Oxenstiernæ acceptissimus ad Suecica servitia vocabatur, quæ non detrectasset, nisi infelix ad Luzenam prælium hoc consilium dissipasset. Castellam veniens à Wilhelmo V. Sanctior belli Consiliarius renunciatur, ea conditione, ut omnibus expeditionibus Serenissimum suum comitaretur, satis autem functo Wilhelmo V. ab Amalia Elisabetha in obsequiis retentus Comitibus Ratisbonensibus anno MDCXLI. interfuit; imo ad Tractatus Westphalicos plena cum potestate missus quinquennium ibi fuit, & pacem perpetuamque quietem omni ope confirmavit. Redux Cancellarii dignitate exornatur anno MDCLI. cum id aliquamdiu esset deprecatus. In testamento Wilhelmi VI. Consiliarius Regiminis Tutorii fuit designatus anno autem MDCLXXXIV. die XIV. Augusti diem suum obiit, ab ipso Serenissimo Carolo morituriens adhuc visitatus. Conjugem duxit Hannoveriæ anno MDCXLIII. die XVI. Octobris Elisabetham, ex celebri ac nobilissima Toffanorum (*) stirpe oriundam, ex qua decem liberos non sine gaudio suscepit. Quatuor vivis adhuc parentibus diem suum obierunt: Quatuor filias filiosque duos reliquit superstites, qui lineam Castellanam quam Tabula hic adiuncta sistimus, felicissime propagarunt.

IU-

(*) Quæ sedem olim habuit in finibus Lotharingæ & Franciæ ac amplissima bona ibidem possedit. Exorto autem sæpius inter Reges Galliæ & Burgundiæ Duces bello varias calamitates experta est. Unde Fridericus Comes Palatinus ad Rhenum & Elector, Imperii tunc temporis vicarius, Paulo Toffano SS. Theologiæ Doctori & Consiliario Ecclesiastico Heidelbergensi Anno MDCII. ob merita proavorum, equestrem dignitatem clementissime renovavit. Ad maiorem illustrationem sequens schema genealogicum adiciemus.

